


SESOTHO - "The Two Roads"

LITSELA TSE PELI



HO KHETHA TSELA

Ha re qala ho nka leeto le re isang moo re e-song ho ka re fihla pele, re botsa hore na ke tsela efe eo re lokelang ho enka. Re tsamaea re butse mahlo, 'me hang ha re elelloa hore re tseleng e sele, re khutla hang e be re ilo talima tsela e nepahetseng.

Ka letsatsi le letsatsi uena le 'na re ntse re tsamaea lefatseng lena ho ea moo ho seng ho se qetello ea letho, ho ea sebakeng seo ha u fihlile ho sona ho seng ho se phelletso e 'ngoe ea sona, le hore sebaka seo ha se sa tla fetoha ha feela re se re fihlile ho sona. Na e be u tseba moo u eang teng?

BUKA E RE ETELLANG PELE

Molimo, ka lerato la Oona le mohau, o re file buka e re etellang pele, ke buka e re bontsang ka mokhoa o chabileng hantle tsela e eang leholimong. Litaba tse qololitsong pampiring ena ke tse nkiloeng Bukeng ena. "Lentsoe la hao ke lebone la maoto a ka, ke leseli tseleng ea ka."

(Lipesalema 119:105).

TSELA E SEPHARA

Batho ba bangata haholo tseleng ena. “Hobane monyako oa timelo o hebehebe, le tsela e eang teng e phatlaletse, 'me ba kenang teng ba bangata.” (Matt. 7:13).

Bongata ba bona ke bo iphoufalitseng. Ha ba tsebe, kapa ha ba tsotelle hore ba tseleng e isang timelong. “Mohlomong ho motho, tsela e 'ngoe e bonahala e ntse e ka e lokile, athe bofello ba eona bo isa lefung.” (Liprov. 14:12). “E leng bao molimo oa lefatse lena (diabolose) o ba foufalitseng likelello, ke ho re, ba sa lumelang.” (2 Ba-Kor. 4:4).

MEROALO

Batho ba tsela ena ba imetsoe ke **sebe**. “**Bohle ba sitiloe**, 'me ha ba lokeloe ke khanya ea Molimo.” (Ba-Roma 3:23). Re ke ke ra pata sebe leha se le seng feela ho Molimo. “Hobane motho o talima tsobotsi, empa Jehova eena o talima pelo.” (1 Samuele 16:7). **Meroalo ena e faseletsoe mekokotlong ea bona**. 'Na hammoho le uena re ka sitoa ho hang ho intsa sebeng leha se le seng feela ka bo rona. Moroalo o ntse o ba boima ha nako e ntse e ea joalo, 'me “Moputso oa sebe ke lefu.” (Ba-Roma 6:23).

MOLLO

E re ka ha Molimo o halalela 'me o lokile, ho ea tlameha hore ho be le kotlo sebakeng sa sebe. Lentsoe la Molimo le re bolella hore lihele li teng, e leng sebaka sa kotlo ea kamehla eohle sebakeng sa bao ba sa kang ba hlonepha Molimo. Bibe e re, “Bakhopo ba leba ngalong ea bafu, ho joalo le lichaba kaofela tse lebetseng Molimo.” (Lipesalema 9:17). Hore u tle u ee móo ha se hore u lokela ho ba mobe haholo – ke sebaka sa batho ba lebetseng Molimo. Empa hee Molimo ke Molimo o lerato le hona, “hobane ha a rate ba bang ha ba ka timela, empa o rata hore bohle ba finyella pakong.” (2 Petrose 3:9). Ka mosa oa Oona o moholo le lerato la Oona, o entse **tsela ea ho phonyoha ho bohle ba e batlang. Na u batla ho fumana tsela ea bophelo?**

TSELA EA BOPHELO – MOLOPOLLI

E re ka ha re ke ke ra ipholosa sebeng, e ka sitana le kotlong ea libe **Molimo o entse tokiso ea Molopolli**. “Hobane Molimo o ratile lefatse ha kaalo hoo a bileng a le tella Mora oa Oona ea tsoetsoeng a inotsi, hore e mong le e mong ea lumelang ho Eena a se ke a timela a mpe a be le bophelo bo sa feleng.” (Johanne 3:16). Molimo, Ntate ea Maholimong, o ile a romela Mora oa Oona, Morena Jesu Krete a theoha leholimong eaba o tla lefatseng lena; O ile a phela joaleka motho e mong le e mong feela, empa ha a ka a etsa sebe, o ile a tebela bademona, a tsoarela baetsa-libe ba bakang a ruta batho ka Molimo.

Empa morero oa Oona o moholo oa hore a fetohle motho e ne e le oa hore a shoe e le sehlabelo sa rona bohle; a nehelane ka Khanya ea Hae, bophelo ba hae bo hlokang sebe a tsolle mali a bohlokoa e le hore a lefe kotle sebakeng sa libe tsa rona bohle. O ile a lumela hore batho

ba khopo ba mo nke, ba mo otlala ho fihlela mokokotlo oa hae o tlaa metoa ea mali hohle, ba mo roesa mofapahloho oa meutloa, 'me qetellong ba mo thakhisa sefapanong ba otlella matsoho a Hae le maoto a Hae moo sefapanong, moo a ileng a leketla ka tsela e hlabisang lihlong. "Eena ea jereng libe tsa rona sefapanong." (1 Petrose 2:24). O nchoetse o bile o shoetse le uena.

TSOHO EA HAE

Kamor'a matsatsi a mararo lebitleng, Jesu Krete o ile a tsoha bafung. O ile a tsamaea a ea buoa le barutuoa ba Hae, 'me kamor'a matsatsi a mashome a mane a nyolohela leholimong, moo a lutseng teng letsohong le letona la Molimo, – Molopolli ea phelang, ka "matla ohle ... leholimong le lefatseng." (matt. 28:18). "Ke ka baka leo a ka tsebang ho pholosa ka ho fetisisa ba atamelang Molimo ka eena, kahobane o ntse a phela ka mehla ho ba rapella." (Ba-Heb. 7:25).

LEHOLIMO

Leholimo ke moo Molimo o ahileng le khanya eohle ea Oona e leng teng. Morena Jesu o itse, "Ke ea ho le lokisetsa bolulo. Ha ke ea le lokisetsa bolulo, ke tla boela ke khutle, e be ke le nkela ho 'na, hore moo ke leng teng, le lona le eo ba teng." (Johanne 14:2,3). Ke sebaka se setle ka tsela e makatsang, moo "Molimo o tla hlakola meokho eohle mahlong a bona; moo hokekeng ha hlola ho e-ba le lefu, leha e le masoabi, leha e le lillo, kapa hore ho hlola ho e-ba le mafu: hobane lintho tsa khale li tla be li fetile" ... "Ho ke ke ha e-ba le bosiu teng ... hobane Jehova Molimo o tla ba neha leseli." (Tsen. 21:4; 22:5).

Ke sebaka se halalelang. "Ha ho letho le litsila le tlang ho kena teng, leha e le ba etsang bokhopo, kapa ba leshano: empa ho tla kena feela bao mabitso a bona a ngoliloeng Bukeng ea Konyana ea Bophelo." (Tsenolo 21:27). Empa ho na le tsela e 'ngoe feela ea leholimong. Morena Jesu o itse: "**Ha ho motho ea ka eang ho Ntate, ha e se ka 'na.**" (Johanne 14:6). "Me ha ho poloko ho e mong hobane ha ho lebitso le leng tlas'a leholimo, leo batho ba le neiloeng, leo re ka bolokehang ka lona." (Liketso 4:12).

RE KA FIHLELA JOANG TSELA E EANG LEHOLIMONG ?

1. **"Bakang 'me le lumele Evangeli."** (Mareka 1:15). Ho baka ke ho khutla sebeng motho a fetohela ho Molimo ka pelo eohle.
2. **Tlo ho Morena Jesu Krete**, ka thapelo, joaleka ha u ntse u le joalo ka thoto ea hao ea sebe, e be u mo kopa hore a u tsoarele. O itse, "Me ea tlang ho 'na nke ke ka mo lahlela ntle." (Johanne 6:37). "Tlong ho 'na lona bohle ba imeloang ba khathetseng, 'me ke tla le imolla." (Matt. 11:28).
3. **Tsepa feela ho Krete sebakeng sa poloko ea hao.** "Mali a Jesu Krete Mora oa Oona a re hlatsoa libe tsohle." (1 Johanne 1:7).
4. **O tla u fa bophelo bo bocha ... bophelo bo sa feleng.** Krete o itse, "Ea utloang lentsoe la ka 'me a lumela ea nthomileng, o na le bophelo bo sa feleng, ha a ka ke a tla kahlolong; empa o tlohile lefung ho kena

bophelong." (Johanne 5:24). "Ka tsela e joalo motho ha a le ho Kreste, ke 'mopuo e mocha, tsa khale li fetile, bonang tsohle li nchafetse." (2 Ba-Kor. 5:17).

5. U tla ba le khotso le tiiso ea sebele. "Joale, ha re beiloe ba lokileng ka tumelo, re na le khotso ho Molimo, ka Jesu Kreste, Morena oa rona." (Ba-Roma 5:1). " 'Me bopaki boo ke hoba Molimo o re neile bophelo bo sa feleng, 'me bophelo boo bo ho Mora oa Oona. Ea nang le Mora **o na le bophelo**; ea se nang Mora oa Molimo, ha a na **bophelo**. Ke le ngoletse taba tseo, lona ba lumelang lebitso la Mora oa Molimo, **hore le tle le TSEBE hobane le na le bophelo bo sa felent.**" (1 Johanne 5:11-13).

KAMOO HO PHELOANG BOPHELO BOO BO BOCHA

1. **Bala Bibe**le kamehla. Ntle le hore ke leseli tseleng ea rona, e boetse ke lijo tsa moea. " 'Me le lapele haholo, joaleka bana ba tsoang ho tsoalao, lebese la moea, le sa tsoakoang, le tle le holele poloko ke lona." (1 Petrose 2:2). Kopa Molimo ho u etella pele ha u ntse u bala, a u thuse ka Moea o Halalelang oa Oona.

2. **Atamela ho Molimo kamehla ka thapelo**, rapela ka lebitso la Jesu. "Le se ke la belaela (thahasella) letho; empa nthong tsohle seo le se batlang, le ke le se tsebise Molimo ka thapelo le ka kopo e nang le teboho. 'Me khotso ea Molimo, e fetisang kutloisiso eohle e tla boloka lipelo tsa lona le mehopolo ea lona ho Jesu Kreste." (Ba-Filippi 4:6,7).

3. **Buoa le ba bang ka Kreste.** "E-ea hae, haeno, ho banabeno, u ba tsebise tse kholo tseo Moimo a u entseng tsona." (Mareka 5:19).

4. **Melekong, bitsa ho Morna.** "Hobane e re ka ha a utloile bohloko mohla a lekoang, ke ka hoo a tsebang ho thusa ba lekoang." (Ba-Heberu 2:18).

5. **Haeba u oela sebeng sefe kapa sefe, inyatsetse sona kapele-pele.** "Haeba re inyatsetsa libe tsa rona, Oa tsepeha 'me o lokile ho re tsoarela makhopo a rona, le ho re 'hloekisa bobeng bohle." (1 Johanne 1:9).

6. **Leka ho kopana le balumeli ba bang ba ho Morena Jesu Kreste.** "Molao oa ka ke hore le ratane joaleka ha le 'na ke le ratile." (Johanne 15:12).

7. **Kamehla hlompha Molimo.** "Ekare ha motho a nthata, o tla boloka lipolelo tsa ka." (Johanne 14:23).

8. **U se ke ua tsaba hobane Kreste o na le uena.** "Molimo ka sebele o itse, Nke ke ka u tlhela, nke ke ka u furalla." (Ba-Heb. 13:5).

9. **Inehlele ka ho tlala ho Morena Jesu Kreste.** Mo lumelle hore a tsamaise bophelo ba hao kamoo A ratang. Ka tsela e joalo u tla fumana thabo ea sebele.

For **free** Gospel literature, books and tracts in over 540 languages, write to:

E-MAIL: info@angp.co.za

ALL NATIONS GOSPEL PUBLISHERS

P.O. Box 2191, PRETORIA, 0001, R.S.A.

(A Gospel Literature Mission financed by donations)

(Reg. No. 1961/001798/08)